



Broj: A-753/23

Datum: 18.10.2023. godine

FA/ZŠR

Na osnovu člana 64. stav 1. tačka b), člana 70. i člana 89. Zakona o javnim nabavkama BiH («Službeni glasnik BiH», broj 39/14 i 59/22), na preporuku Komisije za javnu nabavku broj: A-753/23 od 19.09.2023. godine, glavna kantonalna tužiteljica d o n o s i:

ODLUKU

o izboru najpovoljnijeg ponuđača

Član 1.

Prihvata se preporuka Komisije za javnu nabavku izražena u Zapisniku o ocjeni ponuda broj: A-753/23 od 18.10.2023. godine i Ugovor o nabavci radova – vodoinstalaterski i sanitarni radovi za potrebe Kantonalnog tužilaštva USK se dodjeljuje ponuđaču ZANATSTVO d.o.o. Cazin, ponuda broj: A-753/23 br. 1 od 10.10.2023. godine, za ponuđenu cijenu prema tenderskoj specifikaciji radova u iznosu od 51.167,23 KM bez PDV-a.

Član 2.

Izabrani ponuđač dužan je dostaviti dokaze o ispunjavanju uslova traženih pod tačkom III USLOVI ZA KVALIFIKACIJU PONUĐAČA podtačka 3.1. (dokazivanje lične sposobnosti) i podtačka 3.3. (dokazivanje tehničke i profesionalne sposobnosti) tenderske dokumentacije u postupku po konkurentskom zahtjevu za dostavu ponude u roku od 7 (sedam) dana od dana zaprimanja obavještenja o rezultatima ovog postupka javne nabavke.

Član 3.

Ugovor o nabavci vodoinstalaterskih i sanitarnih radova za potrebe Kantonalnog tužilaštva USK dostavit će se na potpis izabranom ponuđaču ZANATSTVO d.o.o. Cazin najkasnije u roku od 10 dana računajući od dana prijema odluke ugovornog organa o izboru najpovoljnijeg ponuđača.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama BiH.

Obrazloženje

Postupak javne nabavke vodoinstalaterskih i sanitarnih radova za potrebe Kantonalnog tužilaštva USK, pokrenut je Odlukom o pokretanju javne nabavke broj: A-753/23 od 18.09.2023. godine. Ugovorni organ je predvidio zaključenje Ugovora sa ponuđačem koji dostavi najnižu cijenu tehnički zadovoljavajuće ponude, a prema specifikaciji radova iz tenderske dokumentacije.

Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke je 51.200,00 KM bez PDV-a. Predmet javne nabavke iz člana 1. ove Odluke, predviđen je Planom nabavki Kantonalnog tužilaštva Unsko-sanskog kantona za 2023. godinu broj: A-335/23 od 05.05.2023.godine, A-618/23 od 15.08.2023.godine i A-618-1/23 od 23.08.2023. godine - RADOVI - redni broj: 1 - JRJN -45330000-9.

Obavještenje o nabavci broj: 1092-7-3-14-3-10/23 dostavljeno je na objavu dana 28.09.2023. godine. Radi provođenja postupka javne nabavke imenovana je Komisija rješenjem Glavne kantonalne tužiteljice broj: A-753/23 od 19.09.2023. godine. Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabavku a u skladu sa odredbama Zakona o javnim nabavkama BiH.

Predmetna nabavka će biti finansirana iz budžetskih sredstava Kantonalnog tužilaštva USK Bihać za 2023. godinu, a izdaci za nabavku će se evidentirati na ekonomskom kodu 821500.

Shodno odredbi člana 64. Zakona o javnim nabavkama BiH kriterij za dodjelu ugovora po konkurentskom zahtjevu je najniža cijena tehnički zadovoljavajuće ponude.

Nakon isteka roka za dostavljanje ponuda evidentirano je da je u roku pristigla jedna ponuda i to:

1. A-753/23 br. 1. – ZANATSTVO d.o.o. Cazin – na protokol - 10.10.2023.- 08:15 h

Komisija za javnu nabavku je blagovremeno i pravilno izvršila otvaranje i ocjenu pristigle ponude, te nakon detaljne analize iste utvrdila je da je ponuda ponuđača ZANATSTVO d.o.o. Cazin formalno uredna, odnosno da ispunjava uslove tražene u tenderskoj dokumentaciji.

Komisija je potom utvrdila Rang listu ponuđača:

1.	ZANATSTVO d.o.o. Cazin	Cijena ponude bez PDV-a: 51.167,23 KM Ponuđeni popust: 0,00 KM Cijena ponude sa uključenim popustom: 51.167,23 KM PDV na cijenu ponude: 8.698,43 KM Ukupna cijena za ugovor: 59.865,66 KM
----	------------------------	---

Slijedom navedenog a u skladu sa tačkom 4. podtačkom 4.7. tenderske dokumentacije i odredbom člana 3. stav 3. Pravilnika o uslovima i načinu korištenja e-aukcije ("Sl. glasnik BiH" broj: 66/16), neće se zakazivati e-aukcija iz razloga što je pristigla samo jedna ponuda koja je za ugovorni organ prihvatljiva, te će se shodno tome postupak okončati u skladu sa članom 69. Zakona o javnim nabavkama BiH.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101.

Zakona o javnim nabavkama BiH.

GLAVNA KANTONALNA TUŽITELJICA

Fadila Amidžić



Dostaviti:

1. Ponuđaču
2. Računovodstvu
3. IKT službeniku za objavu na web stranici Tužilaštva
4. a/a